




www.BibleForChildren.org


Pédáesh 1




Bongéjá, Hodáyá ásmán o
zemin addh kortant.



Zemin bédróshom at o
hecchi mán néstat. Tahária
johlánki sarpósh kortagat o
Hodáay Ruh ápay sarborá
némbál at.




Hodáyá gwasht: “Rozhnái bebit” o rozhnái but. Hodáyá rozhnay nám “róch” kort o taháriay nám “shap”. Shap gwast o sohbut. É awali róch at.




Hodáyá gwasht: “Ápáni nyámá kobbahé bebit ke ápa
cha ápa jetá bekant.” Hodáyá kobbahay nám “ásmán”
kort. Shap gwast o soh b but. É domi róch at.




Hodáyá gwasht: “Ásmánay chéray áp yakk némagé
bebant o hoshki paddar bebit” o anchosh but. Hodáyá
hoshkiay nám “zemin” kort o yakjáh butagén ápáni nám
“daryá”. Hodáyá dist ke é kár sharr but.




Hodáyá gwasht: “Zemin sabzag beródénit; tohmdárén
keshár o nibag dayókén drachk, ke har drachkay bará,
áiy jenday tohm mán bebit, áyáni
jenday tahray hesábá” o
anchosh but. Shap gwast o
sohb but. É sayomi
róch at.




Hodáyá do mazanén nur addh kort,
masterén nuri addh kort ke róchay sará
hákemi bekant o kasterén nur
shapay sará. Estári ham addh
kortant. Shap gwast o soh b but.
É cháromi róch at.




Hodáyá gwasht: “Áp cha
sahdáráni ramán porr
bebant o báli morg,
zeminay sarborá,
ásmánay kobbahá bál
bekanant.” Shap gwast o
sohb but. É panchomi
róch at.




Hodáyá gwasht: “Zemin har paymén sahdár pédá
bekant, áyáni jenday tahray hesábá; dalwatá beger tán
lápkasshén jánwar o wakshién haywáná, har yakké
wati tahray hesábá.” É kár but.




Hodáyá gwasht: “Byá ensáná wati jenday dróshomá
addha kanén, wati sheklá ke daryáay máhig, ásmánay
morg, dalwat, sajjahén wakshién haywán o lápkasshén
jánwaráni sará hákemi bekant.” Hodáyá wati sajjahén
jórh kortagén chizz cháretant.
Disti ke é kár sakk sharr but.
Shap gwast o sohb but.
É shashomi róch at.




Hodáwandén Hodáyá á mardom zort o Adanay bágá
jahmenend kort ke bágá ábád bekant o bágay
hayálá bedárit.



Hodáwandén Hodáyá
mard parmán dát ke
bágay har drachkay
bará waray bwar, bale
néki o badiay zánagay
drachkay bará mawar.
Hamá róchá ke taw
wárt, allamá meray.




Mardá sajjahén dalwat, ásmánay morg o zeminay wakshién haywán nám per bastant, bale mardá hamdarwarén hamráh o madat kanóké néstat.



Gorhá Hodáwandén Hodáyá mard gránén wábé sará
dát. Mard ke wáb at gorhá Hodáyá áiay yakk pahlugé
kasshet o háligén jáhi gón góshtá porr kort.

Hodáwandén Hodáyá cha mardá
kasshetagén pahlug janéné
kort o janéni marday
kerrá áwort.



Paméshká mard wati pet o máta
yalaha kant o gón janá hawára bit,
gorhá á doén, yakk jesm o jána bant.



Chiá ke Hodáyá jahánay mardom
haminchok dóst atant ke wati yakk o
yakdánagén Chokki ham nadr kort tán
harkas ke áiy sará báwar bekant
gár o zyán mabit o tán
abad zendag bemánit.



1



60



Pulosay kágad pa Rumián 3:23

Parchá ke sajjahénán gonáh kortag o cha Hodáay shán o shawkatá dur ant,

Pulosay kágad pa Rumián 6:23

Parchá ke gonáhay mozz mark ent bale Hodáay bakshesh namiránén zend ent ke cha may Hodáwand Issá Masihay ráhá rásit.

Pulosay kágad pa Rumián 10:9,10

Parchá ke gonáhay mozz mark ent bale Hodáay bakshesh namiránén zend ent ke cha may Hodáwand Issá Masihay ráhá rásit. Chéá ke ensán pa del bawara kant o pák o palgár zánaga bit, gón zobáná ham mannit o é paymá rakkit.



Yuhanná 3:16,17

Chiá ke Hodáyá jahánay mardom haminchok dóst atant ke wati yakk o yakdánagén Chokki ham nadr kort tán harkas ke áiy sará báwar bekant gár o zyán mabit o tán abad zendag bemánit. Hodáyá wati Chokk pa mardománi ér janag o mayárig kanagá jahána rawán nadát. Rawáni dát ke áyán neját bedant o berakkénit.

1 Yuhanná 5:11-13

Á gwáhi esh ent ke Hodáyá márá namiránén zend bakshetag o é zend cha Hodáay Chokkay némagá ent. Hamá kas zenday wáhond ent ke gón Hodáay Chokká gón ent o á ke gón Chokká gón naent, zenday wáhond naent. É chizzon pa shomá nebeshtant ke shomára Hodáay Chokkay námay sará báwar ent, tán bezánét ke namiránén zenday wáhond ét.



Pédáesh 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Balochi Southern Bible (bcc) © 2015-2022, Wycliffe Bible
Translators, Inc. and the Balochi Bible Translation Team.
All rights reserved.

<https://www.bible.com/bible/1500/GEN.1.HPKB>

©2026 Bible for Children, Inc.

www.M1914.org

www.bibleforchildren.org

